



FRanciscus ex nobili familia Sickingorum ad Rhenum natus i Martij 1481, atq; postea in omni genere uirtutum & literarum educatus est. nam is a pueris operam literis dedit, & in ijs mediocriter profecit, ita ut ab eo tempore subinde doctoru uiroꝝ patronus extiterit. Postea Cæsaris Maximiliani castra hinc inde secutus, magnam rei militaris scientiã nactus est. Itaq; cum ciues quidã Vuormatiani sua urbe pellerentur, pro ijs intercessit, atque anno 1515 eam urbem obsedit. Cum hoc modo per tres annos armis & legibus disceptassent, tandem 1518 Maximiliani Cæsaris opera pax fuit subsecuta. Interea Lutheri doctrina passim publicata.

eam Franciscus cum sacris literis cõtulit & tandem approbauit. Itaq; doctissimos uiros, qui Lutheranismi nomine suspecti nusquam tuti essent, ad se in arcem suam recepit, atq; contra aduersarios defendit. Inter eos erant Oecolampadius & Bucerus. Postea quoq; 1522 Richardo Treuerensi Archiepiscopo (quod is duos quosdam suæ ditionis homines, pro quibus fideiusserat, nõ susteret iudicio) bellum mouit, & in summum discrimen sociorum ope adegit. Cum autem Richardus Ludouici Palatini & finitimorum principum opem implorasset, atq; illi exercitum conscripsissent, Franciscus obsessus, & fortuito tormento in arce ictus, multorum luctu occubuit, & honorificè sepultus fuit.

Anonimus.